

摛藻堂四庫全書薈要

集部

欽定四庫全書薈要卷一萬七千八百八集部

御定全唐詩卷四百三

元稹

酬東川李相公十六韻

次用本韻并啓

稹啓今月十二日州吏迴伏受相公書示知小生所獻和慈竹等詩關達鑒覽不蒙罪退而又賜詩一十韻并首序一百二十三言廢名位之常數比朋友以字之飾揚涓埃投擲珠玉幸甚幸甚至於

廟議末學江花陋詞無不記在雅章以備光寵不  
勝惶駭驚慙之至昔楚人始交必有乘車戴笠不  
忘相揖之誓誠以為貴富不相忘之難也況貴賤  
之隔不啻於車笠之相懸而相公投貶珍重又豈  
唯一揖之容易哉積獨何人享是嘉惠輒復牽課  
拙劣酬獻所賜是猶百獸與鳳凰同舞於簫韶之  
中各極其歡心耳又何暇自審其形容之不類哉  
慶歲專人封用上獻死罪死罪謹啓

昔附赤霄羽歲蕤遊紫垣鬪班香案上奏語玉宸尊  
直撩忌諱科儀懲傲頑自從真籍除棄置勿復論前時  
共遊者日夕黃金軒請帝下巫覡八荒求我魂鸞鳳屢  
鳴顧燕雀尚籬藩徒令霄漢外往往塵念存存念豈虛  
設併投瓊與璫彈珠古所訝此用何太敦鄒律寒氣變  
鄭琴祥景奔靈芝繞身出左右光彩繁碾玉無俗色藥  
珠非世言重慙前日句陋若猶並蓀臘月巴地雨瘴江  
愁浪翻因持駭雞寶一照濁水昏

酬獨孤二十六送歸通州

此後至和樂天  
三首並用本韻

再拜捧兄贈拜兄珍重言我有平生志臨別將具論十  
歲慕侗儻愛白不愛昏寧愛寒切烈不愛暘溫暉二十  
走獵騎三十遊海門憎兔跳躍惡鵬黑翻翻鼇釣氣  
方壯鶻拳心頗尊下觀髻鬢輦一掃冀不存名冠壯士  
籍功酬明主思不然合音閣身棄何況身上痕金石有銷  
爍肺腑無寒溫分晝久已定波濤何足煩嘗希蘓門嘯  
詎厭巴樹猿瘴水徒浩浩浮雲亦軒軒長歌莫長歎飲

斛莫飲樽生為醉鄉客死作達士魂

酬劉猛見送

種花有顏色異色即為妖養鳥惡羽翮剪翮不待高非  
無剪傷者物性難自逃百足雖捷捷商羊亦翹翹伊余  
狷然質謬入多士朝任氣有愎戇容身寡朋曹愚狂偶  
似直靜僻非敢驕一為毫髮忤十載山川遙爍鐵不在  
火割肌不在刀險心露山嶽流語翻波濤六尺安敢主  
方寸由自調神劔土不蝕異布火不焦雖無二物姿庶

欲効一毫未能深感感多謝相勞勞去去我移馬遲遲  
君過橋雲勢正橫壑江流初滿槽江槽楚語持此慰遠道此  
之為舊交

酬樂天赴江州路上見寄三首

昔在京城心今在吳楚末千山道路險萬里音塵濶天  
上參與商地上胡與越終天升沈異滿地網羅設心有  
無朕環腸有無繩結有結解不開有環尋不歇山嶽移  
可盡江海塞可絕離恨若空虛窮年思不徹生莫強相

同相同會相別

襄陽大隄繞我向隄前住燭隨花豔來騎送朝雲去萬  
竿高廟竹三月徐亭樹我昔憶君時君今懷我處有身  
有離別無地無歧路風塵同古今人世勞新故

人亦有相愛我爾殊衆人朝朝寧不食日日願見君一  
日不得見愁腸坐氤氳如何遠相失各作萬里雲雲高  
風苦多會合難遽因天上猶有礙何況地上身

郵竹



庭有蕭蕭竹門有闐闐騎  
囂靜本殊途因依偶同寄  
亭乍干雲嫋嫋亦垂地人  
有異我心我無異人意

落月

落月沈餘影陰渠流暗光  
蚊聲靄窗戶螢火繞屋梁  
飛幌翠雲薄新荷清露香  
不吟復不寐竟夕池水傍

高荷

種藕百餘根高荷纔四葉  
鮎閃碧雲扇團圓青玉疊  
亭自擡舉鼎鼎難藏屨不  
學著水荃一生長怙怙

和裴校書鷺鷥飛

鷺鷥鷺鷥何處飛  
鷓鴣雀噪難久依  
清江見底草

一作華

堂在一點白光終不歸

夜池

荷葉團圓莖削削  
綠萍面上紅衣落  
滿池明月思啼螿

高屋無人風張

去聲幕

酬楊司業十二兄  
早秋述情見寄

今春與楊兄會於馮翊數

日而別此

詩同州作

白髮故人少相逢意彌遠往事共銷沈前期各衰晚昨  
來遇彌苦已復雲離巘秋草古膠庠寒沙廢宮苑知心  
豈忘鮑詠懷難和阮壯志日蕭條那能競朝幟

代杭人作使君一朝去二首

使君一朝去遺愛在人口惠化境內春才名天下首為  
問龔黃輩兼能作詩否

使君一朝去斷腸如剝壁無復見冰壺唯應鏤金石自  
此一州人生男盡名白

長慶歷

年歷復年歷卷盡悲且惜歷日何足悲但悲年運易年  
年豈無歎此歎何唧唧所歎別此年永無長慶歷

順宗至德大聖大安孝皇帝挽歌詞三首

左拾遺時

作

不改延洪祚因成揖讓朝謳歌同戴啓過密共思堯雨  
露施恩廣梯航會葬遙號弓那獨切曾感昔年招

前春文祖廟大舜嗣堯登及此踰年感還因是月崩壽

緣追孝促業在繼明興儉詔同今古山川繞灞陵  
七月悲風起淒涼萬國人羽儀經巷內輜輳轉城闈暝  
色依陵早秋聲入輅新自嗟同草木不識永貞春

憲宗章武孝皇帝挽歌詞三首

膳部員外  
時作

國付重離後身隨十聖仙北辰移帝座西日到虞泉方  
文言虛設華胥事眇然觸鱗曾在宥偏哭墮髯前

天寶遺餘事元和盛聖功二凶梟帳下三叛斬都中  
楊惠

琳李師道傳首京師劉開  
李錡吳元濟腰斬都市始服沙陀虜方吞邏逤戎  
沙陀

突厥自元和  
初始通中國  
狼星如要射  
猶有鼎湖弓

月落禁垣西  
星攢曉仗齊  
風傳宮漏苦  
雲拂羽儀低  
路隘車千兩  
橋危馬萬蹄  
共嗟封石檢  
不為報功泥

恭王故太妃挽歌詞二首

校書郎  
時作

燕姑貽天夢  
梁王盡孝思  
雖從魏詔葬  
得用漢藩

一作  
官

儀曙月殘光  
斂寒簫度曲  
遲平生奉恩  
地哀挽欲何  
之文衛羅新  
壙仙娥掩暝  
山雪雲埋隴  
合簫鼓望城  
還寒樹風難  
靜霜郊夜更  
閒哀榮深孝  
嗣儀表在河  
間

哭呂衡州六首

氣敵三人傑交深一紙書我投冰瑩眼君報水憐魚髀  
股惟夸瘦膏肓豈暇除傷心死諸葛憂道不憂餘

望有經綸釣虔收宰相刀江文駕風遠雲貌接天高國  
待球琳器家藏虎豹韜盡將千載寶埋入五原蒿

白馬雙旌隊青山八陣圖請纓期繫虜枕草誓捐軀勢  
激三千壯年應四十無遙聞不瞑目非是不憐吳

鵑鷄生難敵沉檀死更香兒童喧巷市羸老哭碑堂鴈

起沙汀閣雲連海氣黃祝融峰上月幾照北人喪

迴鴈峰前鴈春迴盡却迴聯行四人去同葬一人來鏡  
吹臨江返城池隔霧開滿船深夜哭風棹楚猿哀

杜預春秋癖揚雄著述精在時兼不語終古定歸名未  
水波文細湘江竹葉輕平生思風月潛寐若為情

僧如展及韋載同遊碧澗寺各賦詩予落句云  
他生莫忘靈山座滿壁人名後會稀展共吟他  
生之句因話釋氏緣會所以莫不悽然久之



不十日而展公長逝驚悼返覆則他生豈有  
兆耶其間展公仍賦黃字五十韻飛札相示  
予方屬和未畢自此不復撰成徒以四韻為

識

重吟前日他生句豈料踰旬便隔生會擬一來身塔下  
無因共繞寺廊行紫毫飛札看猶濕黃字新詩和未成  
縱使得如羊叔子不聞兼記舊交情

公安縣遠安寺水亭見展公題壁漂然淚流因

書四韻

碧澗去年會與師三兩人今來見題壁師已是前身芝  
葉迎僧夏楊花度俗春空將數行淚灑徧塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路

百世長須此路行

寄取一作記取

別孫村老人

寒食日

年年漸覺老人稀欲別孫翁淚滿衣未死不知何處去

此身終向北原歸

和樂天劉家花

閑坊靜曲同消日  
淚草傷花不為春  
徧問舊交零落盡  
十人纔有兩三人

褒城驛二首

容州詩句在褒城  
幾度經過眼暫明  
今日重看滿衫淚  
可憐名字已前生

憶昔萬株梨映竹  
遇逢黃令醉殘春  
梨枯竹盡黃令死

今日再一作來衰病身

和樂天夢亡友劉太白同遊二首

君詩昨日到通州萬里知君一夢劉閒坐思量小來事  
祇應元是夢中遊

老來東郡復西州行處生塵為喪劉縱使劉君魂魄在  
也應至死不同遊

酬樂天見憶兼傷仲遠

死別重泉悶生離萬里賒瘴侵新病骨夢到故人家遙

淚陳根草間收落地花庾公樓悵望巴子國生涯河任  
天然曲江隨峽勢斜與君皆直慙須分老泥一作沙

與樂天同葬杓直

元伯來相葬山濤誓撫孤不知他日事兼得似君無

御定全唐詩卷四百三

欽定四庫全書薈要卷一萬七千八百九集部

御定全唐詩卷四百四

元稹

夜間

此後並  
悼亡

感極都無夢魂銷轉易驚風簾半鈎落秋月滿床明悵  
望臨階坐沈吟遶樹行孤琴在幽匣時迸斷弦聲

感小株夜合

纖幹未盈把高條纔過眉不禁風苦動偏受露先萎不

分秋同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉  
半夜覺來聞哭聲

追昔遊

謝傳堂前音樂和狗兒吹笛膽娘歌花園欲盛千場飲  
水閣初成百度過醉摘櫻桃投小玉嬾梳叢鬢舞曹婆  
再來門館唯相弔風落秋池紅葉多

空屋題

十月十四日夜

朝從空屋裏騎馬入空臺  
盡日推閒事還歸空屋來  
月明穿暗隙燈燼落殘灰  
更想咸陽道魂車昨夜回

初寒夜寄盧子蒙

月是陰秋鏡寒為寂寞  
資輕寒酒醒後斜月枕前時  
倚壁思閒事回燈檢舊詩  
聞君亦同病終夜遠相悲

城外回謝子蒙見諭

十里撫樞別一身騎馬回  
寒煙半堂影燼火滿庭灰  
稚



女憑人問病夫空自哀  
潘安寄新詠仍是夜深來

諭子蒙

撫稚君休感無兒我不傷  
片雲離岫遠雙鷺念巢忙  
大壑誰非水華星各自光  
但令長有酒何必謝家莊

遣悲懷三首

謝公最小偏憐女嫁與黔婁百事乖  
顧我無衣搜畫篋泥他沽酒拔金釵  
野蔬充膳甘長藿落葉添薪仰古槐

今日俸錢過十萬與君營奠復營齋

畫篋一作蓋篋

昔日戲言身後意今朝皆到眼前來衣裳已施行看盡  
針線猶存未忍開尚想舊情憐婢僕也曾因夢送錢財  
誠知此恨人人有貧賤夫妻百事哀

閒坐悲君亦自悲百年都是幾多時鄧攸無子尋知命  
潘岳悼亡猶費詞同穴窅冥何所望他生緣會更難期  
唯將終夜長開眼報答平生未展眉

旅眠

內外都無隔帷屏不復張夜眠兼客坐同在火爐床

除夜

憶昔歲除夜見君花燭前  
今宵祝文上重疊叙新年  
閒處低聲哭空堂背月眠  
傷心小兒女撩亂火堆邊

感夢

行吟坐歎知何極影絕魂銷動隔年  
今夜商山館中夢  
分明同在後堂前

合衣寢

良夕背燈坐方成合衣寢酒醉夜未闌  
幾回顛倒枕

竹簟

竹簟襯重茵未忍都令卷憶昨初來日看君自施展

聽庾及之彈烏夜啼引

君彈烏夜啼我傳樂府解去聲古題良人在獄妻在閨官

家欲赦烏報妻烏前再拜淚如雨烏作哀聲妻暗語後

人寫出烏啼引吳調哀弦聲楚楚四五年前作拾遺諫

書不密丞相知謫官詔下吏驅遣身作囚拘妻在遠歸

來相見淚如珠唯說閒宵長拜烏君來到舍是烏力粧

點烏盤邀女巫今君為我千萬彈烏啼啄啄淚瀾瀾感  
君此曲有深意昨日烏啼桐葉墜當時為我賽烏人死  
葬咸陽原上地

夢井

夢上高高原原上有深井登高意枯渴願見深泉冷裴  
回遶井顧自照泉中影沈浮落井瓶井上無懸綆念此  
瓶欲沈荒忙為求請遍入原上村村空犬仍猛還來遶  
井哭哭聲通復哽哽夢忽驚覺來房舍靜燈焰碧隴

隴淚光凝冏冏鍾聲夜方半坐臥心難整忽憶咸陽原  
荒田萬餘頃土厚壙亦深埋魂在深堦堦深安可越魂  
通有時逞今宵泉下人化作瓶相憬感此涕洟瀾洟瀾  
涕霑領所傷覺夢間便覺死生境豈無同穴期生期諒  
綿永又恐前後魂安能兩知省尋環意無極坐見天將  
昞吟此夢井詩春朝好光景

江陵三夢

平生每相夢不省兩相知況乃幽明隔夢魂徒爾為情

知夢無益非夢見何期今夕亦何夕夢君相見時依稀  
舊粧服掩淡昔容儀不道間生死但言將別離分張碎  
針線襦疊故幘幃撫稚再三囑淚珠千萬垂囑云唯此  
女自歎總無兒尚念嬌且駢未禁寒與飢君復不憐事  
奉身猶脫遺況有官縛束安能長顧私他人生間別婢  
僕多謾欺君在或有託出門當付誰言罷泣幽噎我亦  
涕淋漓驚悲忽然寤坐臥若狂癡月影半床黑蟲聲幽  
草移心魂生次第覺夢久自疑寂默深想像淚下如流

澌百年永已訣一夢何太悲悲君所嬌女棄置不我隨  
長安遠於日山川雲間之縱我生羽翼網羅生繫維今  
宵淚零落半為生別滋感君下泉魄動我臨川思一水  
不可越黃泉況無涯此懷何由極此夢何由追坐見天  
欲曙江風吟樹枝

古原三丈穴深葬一枝瓊崩剝山門壞煙綿墳草生久  
依荒隴坐却望遠村行驚覺滿床月風波江上聲

君骨久為土我心長似灰百年何處盡三夜夢中來逝



水良已矣行雲安在哉坐看朝日出衆鳥雙裴回

張舊蚊幃

踰年間生死千里曠南北家居無見期況乃異鄉國破  
盡裁縫衣忘收遺翰墨獨有纈紗幃憑人遠携得施張  
合歡榻展卷雙鴛翼已矣長空虛依然舊顏色裴回將  
就寢徙倚情何極昔透香田田今無魂惻惻隙穿斜月  
照燈背空床黑達理強開懷夢啼還過臆平生貧寡歡  
天枉勞苦憶我亦距幾時胡為自推逼燭蛾焰中舞蠶

蟻叢上織焦爛各自求他人顧何力多離因苟合惡影  
當務息往事勿復言將來幸前識

獨夜傷懷贈呈張侍御

張生近  
喪妻

燼火孤星滅殘燈寸焰明竹風吹面冷簷雪墜階聲寡  
鶴連天叫寒雛徹夜驚祗應張侍御潛會我心情

六年春遣懷八首

傷禽我是籠中鶴沈劔君為泉下龍重續猶存孤枕在  
春衫無復舊裁縫

檢得舊書三四紙高低闊狹粗但一作成行自言併食尋

高事唯念山深驛路長

公無渡河音響絕已隔前春復去秋今日閒窗拂塵土

殘弦猶迸鈿

一作細

箜篌

婢僕曬君餘服用嬌癡稚女遶床行玉梳鈿朶香膠解  
盡日風吹瑤瑁箏

伴客銷愁長日飲偶然乘興便醺醺怪來醒後傍人泣  
醉裏時時錯問君

我隨楚澤波中梗

水一作

君作咸陽泉下泥  
百事無心值

寒食身將稚女帳前啼

童稚癡狂撩亂走  
繡毬花仗滿堂前  
病身一到總帷下  
還向臨階背日眠

小於潘岳頭先白  
學取莊周淚莫多  
止竟悲君須自省  
川流前後各風波

荅友封見贈

荀令香銷潘簟空  
悼亡詩滿舊屏風  
扶床小女君先識

應為些些似外翁

夢成之

燭暗船風獨夢驚  
夢君頻問向南行  
覺來不語到明坐  
一夜洞庭湖水聲

哭小女降真

雨點輕漚風復驚  
偶來何事去何情  
浮生未到無生地  
暫到人間又一生

哭女樊

秋天淨綠月分明何事已猿不勝鳴應是一聲腸斷去  
不容啼到第三聲

哭女樊四十韻

虢州長史時作

逝者何由見中人未達情馬無生角望猿有斷腸鳴去  
伴投遐徼來隨夢險程四年已養育萬里硤回縈病是  
他鄉染魂應遠處驚山魍邪亂一作去逼沙虱毒潛嬰母

約

一作如

看寧辨余慵療不精欲尋方次第俄值疾充盈

燈火徒相守香花祇浪擎蓮初開月梵薜已落朝榮魄

散雲

一作魂

將盡形金玉尚瑩空垂兩行血深送一枝瓊

祕祝休巫覡安眠放使令舊衣和篋施殘藥滿甌傾乳

媪閑於社醫僧媿

一作媿

似醒憫渠身覺賸

一作賸

一作深覺瘡

訝

佛力難爭騎竹癡猶子牽車小外甥等長

一作間

迷過影

遙戲誤啼聲浣紙傷餘畫扶床念試行獨留呵面鏡誰

弄倚牆箏憶昨工言語憐初妙長成撩風妬

一作妬

鸚舌

凌露

一作霜

觸蘭英翠鳳輿真女紅蕖捧化生穉憂嫌五

濁終恐向三清宿惡諸葷味懸知衆物名

生而不食葷  
血虎豹狨猿

等皮毛盡惡斥之巴南所無之物及北而默識其名者數輩

環從枯樹得經認寶函

盛愠怒偏憎數分張雅愛平最憐

一作矜

貧粟妹頻救嬾

書兄為占嬌饒分良多眷戀誠別常回面泣歸定出門  
迎解怪還家晚長將遠信呈說人偷罪過要我抱縱橫

騰蹋遊江舫攀緣看樂棚和蠻歌字拘學妓舞腰輕迢

遞離荒服提

一作持

携到近京未容誇伎倆唯恨枉聰明

往緒心千結新絲鬢百莖暗窗風報曉秋幌雨聞更敗

董肅東官更易皮裘成七中品老矣乃自足亥是



程肅與會者移砌坊止口臣才以自足吳孫男

欽定四庫全書

御定全唐詩  
卷四百四

十

哭子十首

翰林學士時作

維鵜受刺因吾過得馬生災念爾冤獨在中庭倚閒樹  
亂蟬嘶噪欲黃昏

纔能辨別東西位未解分明管帶身自食自眠猶未得  
九重泉路託一作何人

爾母溺情連夜哭我身因事有時悲鍾聲欲絕東方動  
便是尋常上學時

蓮花上品生真界兜率天中離世途彼此業緣多障礙

不知還得見兒無

節量黎粟愁生疾教示詩書望早成鞭扑校多憐校少  
又緣遺恨哭三聲

深嗟爾更無兄弟自歎予應絕子孫寂寞講堂基址在  
何人車馬入高門

往年鬢已同潘岳垂老年教

一作天教

作鄧攸煩惱數中除

一事自茲無復子孫憂

長年今竟口可靈豈尋月已蜀長月肖豈乙一作來象

長生老朽夫在附呈在日步狂書日消道又不

欽定四庫全書

御定全唐詩  
卷四百四

士

爾母夜深和淚有經聲

烏生八子今無七猿叫三聲月正孤寂寞空堂天欲曙  
拂簾雙燕引新雛

頻頻子落長江水夜夜巢邊舊處棲若是愁腸終不斷  
一年添得一聲啼

感逝

浙東

頭白夫妻分無子誰令蘭夢感衰翁三聲啼婦臥床上  
一寸斷腸埋土中蛭甲暗枯秋葉墜燕雛新去夜巢空


情知此恨人皆有應與暮年心不同

妻滿月日相唁

十月辛勤一月悲今朝相見淚淋漓狂風落盡莫惆悵  
猶勝因花壓折枝



御定全唐詩卷四百四



總校官庶吉士 臣張能照

校對官檢討 臣蕭九成

謄錄舉人 臣郭棣泰

欽定四庫全書薈要

集部

欽定全唐詩卷四百

八  
五至

臣紀昀詳校

詳校官候補通奇經歷臣郭祚熾

欽定四庫全書薈要卷一萬七千八百十

集部

御定全唐詩卷四百五

元稹

代曲江老人百韻

年十六時作

亂干戈後經文禮樂辰徽章懸象魏貌虎畫麒麟光武  
休言戰唐堯念睦姻琳瑯鋪柱礎葛藟茂河濟尚齒惇  
耆艾搜材拔積薪裴王持藻鏡姚宋幹陶鈞內史稱張

雜  
備  
事  
花  
前  
泣  
曾  
逢  
舊  
日  
春  
先  
皇  
初  
在  
鎬  
賤  
子  
正  
遊  
秦  
撥



啟蒼生借寇恂名卿唯講德命士恥憂貧杞梓無遺用

蕩蕩不忘詢懸金收逸驥鼓瑟薦嘉賓羽翼皆隨鳳圭

璋一作瑜連肯雜一作稱珉班行容濟濟文質道彬彬百度依

皇極千門闢紫宸措一作理刑非苟簡稽古蹈因循書謬

偏求伏詩亡遠聽申雄推一作繼登三虎賈羣擢八龍荀海

外恩方洽寰中教不泯儒林精間奧流品重清淳一作儒林

一同異冠履盡清淳天淨三光麗時和四序均卑官休力後蠲賦

免一作職少艱辛蠻貊同車軌鄉原盡里仁帝途高蕩蕩

風俗厚閭閻

一作  
怵怵  
秋

一作日耕耘足豐年雨露頻成煙

生不見村豎老猶純耒耜勤千畝牲牢奉六禋南郊禮

天地東野闢原畝校獵求初吉先農卜上寅萬方來合

雜五色瑞輪困池籞呈朱鴈壇場得白麟酌金光照耀

奠璧綵璘玢掉蕩雲門發踳躄鷺羽振集靈撞玉磬和

鼓奏金罇建簏崇牙盛銜鐘獸目嘖總干形屹岿戛啟

背嶙峋文物千官會夷音九部陳魚龍華外戲歌舞洛

中嬪佳節修酺禮非時宴侍臣梨園明月夜花萼豔陽

晨李杜詩篇敵蘇張筆力勻樂章輕鮑照碑板笑顏竣

泰嶽陪封禪汾陰頌鬼神星移逐西顧風暖助東巡浴

德留湯谷蒐畋過渭濱沸天雷殷殷匝地轂轡麟沃土

心逾熾豪家禮漸湮老農羞荷鍤貪賈學垂紳曲藝爭

工巧彫機變組紉青鳧連不解紅粟朽相因山澤長孳

貨梯航競獻珍翠毛開越雋龍眼弊一作甌閩玉饌薪

然蠟椒房燭用銀銅山供橫賜金屋貯宜嘖班女恩移

趙思王賦感甄輝光隨顧步生死屬搖脣世族功勳久

王姬寵愛親街衢連甲第冠蓋擁朱輪大道垂珠箔當

壚踏錦茵軒車隘南陌鐘磬滿西鄰出入張公子驕奢

石季倫雞場潛介羽馬埒並揚塵韜袖誇狐腋弓弦尚

鹿牘紫條牽白犬繡韞被一作錦鶉覆花駟箭倒南山虎鷹

擒東郭魏翻身迎過鴈劈肘一作坐射取迴鶉竟蓄朱公產

爭藏邴氏緡橋桃矜馬驚倚頓數牛犇一作金銀虀鬪冬中

韭羹憐遠處萬萬錢纔下筯五醎一作醢未稱醇曲水閒

銷一作流觴日倡樓一作優醉度旬探丸依郭解投轄伴陳遵

共謂長之

一作安

泰那知遽構屯姦心與桀黠凶醜比頑

噐斗柄侵妖彗天泉化逆鱗背

一作背

恩欺

一作欺

乃祖連

禍及吾民獍獠當前路鯨鯢得要津王師纔

一作方

業業

暴卒已瞽瞍雜虜同謀夏宗周蹇去幽陵園深暮景霜

露下秋旻鳳闕悲巢鵬鷁行亂野麇華林荒茂草寒竹

碎貞筠村落空垣壞城隍舊井堙破船沉古渡戰鬼聚

陰燐振臂誰相應攢眉獨不伸毀容懷赤紱混跡戴黃

巾木梗隨波蕩桃源數隱淪弟兄書信斷鷗鷺往來馴

忽遇山光澈，遙瞻海氣真。  
祕圖推廢王，後聖合經綸。  
野杏渾休植，幽蘭不復紉。  
但驚心憤憤，誰戀水粼粼。  
盡室離深洞，輕橈盪小輪。  
殷勤題白石，悵望出青蘋。  
夢寐平生，在經過處所。  
新阮郎迷里巷，遼鶴記城闈。  
虛過休明代，旋為朽病身。  
勞生常矻矻，語舊苦諄諄。  
晚歲多衰柳，先秋媿大椿。  
眼前年少客，無復昔時人。

開元觀閒居酬吳士矩侍御三十韻

中有問行藏求藥物

之句 十

八時作

靜習狂心盡幽居道氣添神編啓黃簡祕籙捧朱籤爛

熯煙霞駐優游歲序淹登壇擁旄節趨殿禮胡髯

殿有明皇

真醮起彤廷燭香開白玉匳結盟金劔重斬魅寶刀銛

禹步星綱動焚符竈鬼詹冥搜呼直使章奏役飛廉仙

籍聊憑檢浮名復為占赤誠祈皓鶴綠髮代青鱣虛室

常懷素玄闕屢引枯貂蟬徒自寵鷗鷺不相嫌始悟身

為患唯欣祿未恬

一作沾

龜龍戀淮海雞犬傍閭閻松笠

新偏翠山峰遠更尖簫聲吟茂竹虹影逗虛簷初日先

通牖輕颺每透簾露盤朝滴滴鉤月夜纖纖已得餐霞  
味應嗤食蓼甜工琴閒度晝耽酒醉銷炎几案隨宜設  
詩書逐便拈灌園多抱甕刈藿乍腰鎌野鳥終難繫鶴  
鶴本易厭風高雲遠逝波駭鯉深潛邸第過從隔蓬壺  
夢寐瞻所希顏頗練誰恨突無黔思拙慙圭璧詞煩雜  
米鹽諭錐言太小求藥意何謙

來句有永慙沾藥  
犬多謝出囊錐

語默

君休問行藏我詎兼狂歌終此曲情盡口長箱

病減逢春期白二十二辛大不至十韻

校書郎  
時作



病與窮陰退春從血氣生寒膚漸舒展陽脈乍虛盈就  
日臨堦坐扶牀履地行問人知面瘦祝鳥願身輕風暖  
牽詩興時新變賣聲飢饒看藥忌閒悶點書名舊雪依  
深竹微和動早萌推遷悲往事踈數辨交情琴待嵇中  
散杯思阮步兵世間除却病何者不營營

黃明府詩

并序

小年曾於解縣連月飲酒予嘗為觥錄事曾於賓  
少府廳中有一人後至頻犯語令連飛十二觥不

勝其困逃席而去醒後問人前虞鄉黃丞也此後

絕不復知元和四年三月予奉使東川十六日至

褒城東數里遙望驛亭前有大池樓榭甚盛逡巡

有黃明府見迎瞻其形容髣髴似識問其前銜即

曩時之

時一作日  
無之字

逃席黃丞也說向前事黃生惘

然而寤因饋酒一槽艤舟請予同載予不免

一作違

其意與之盡歡徧問座隅山川則曰又褒次其右

紀事作徧問褒陽山水則褒如所奔  
之城在其左諸葛所征之路在其右

感今懷古作

黃明府詩云

少年曾痛飲黃令苦飛觥席上當時走馬前今日迎依  
稀迷姓氏積漸識平生故友身皆遠他鄉眼暫明便邀  
連榻坐兼共榜船行酒思臨風亂霜稜掃一作拂地平不

堪深淺酌貪愴古今情邈迤七盤路坡陀數丈城花疑  
褒女笑棧想武侯征一種埋幽石老閒紀事作空閒千載名

酬翰林白學士代書一百韻

并序 此後  
江陵時作

玄元氏之下元日會予家居至枉樂天代書詩一

百韻鴻洞卓犖令人興起心情且置別書美予前  
和七章章次用本韻韻同意殊謂為工巧前古韻  
耳不足難之今復次排百韻以答懷思之貺云

昔歲俱充賦同年遇有司八人稱迴拔兩郡濫相知

同年

八人樂天拔萃登科予平判入等逸驥初翻步鞿鷹暫脫羈遠途憂地

窄高視覺天卑並入紅蘭署偏親白玉規近朱憐冉冉  
伐木願惇惇魚魯非難識鉛黃自嬾持心輕馬融帳謀  
奪子房惟秀發幽巖電清澄隘岸陂九霄排直上萬里

整前期勇贈棲鸞句慙當古井詩

子贈樂天詩云皎彼  
寫鳳安樂天贈子詩

云無波  
古井水

多聞全受益擇善頗相師脫俗殊常調潛工大

有為還醇憑耐酒運智託園棊情會招車角閒行覓戴

逵僧餐月燈閣醵宴劫灰池

予與樂天杓直拒非輩多  
於月燈閣閒遊又嘗與秘

省同官醵  
宴此明池

勝槩爭先到篇章競出奇輸贏論破的點竄

肯容絲山岫當街翠牆花拂面枝

昔予賦詩云為見牆  
頭拂面花時唯樂天

知鶯聲愛嬌小燕翼翫逶迤轡為逢車緩鞭緣起伴施

密攜長上樂偷宿靜坊姬僻性慵朝起新晴助晚嬉相

歡常滿目別處鮮開眉翰墨題名盡光陰聽話移

樂天每與

子游從無不書名屋壁又嘗於新昌宅說一枝花話自寅至巳猶未畢詞也

綠袍因醉典烏

帽逆風遺暗插輕籌箸仍提小屈卮

子有簾箕草籌筋小盞酒胡之輩當

時嘗在書囊以供飲備

本絃纜一舉下口已三遲逃席衝門出歸

倡借

去聲

馬騎狂歌繁節亂醉舞半衫垂散漫紛長薄邀

遮守隘岐幾遭朝士笑兼任蒼童隨苟務形骸達渾將

性命推何曾愛官序不省計家資忽悟成虛擲翻然歎

未宜使回耽樂事堅赴策賢時寢食都忘倦園廬遂絕

闕勞神甘感感攻短過孜孜葉怯穿揚箭囊藏透穎錐  
超遙望雲雨擺落占泉坻略削荒涼苑搜求激直詞那

能作牛後更擬助洪基

舊說制策皆以惡訐取容為美  
子與樂天指病危言不顧成敗

意在決求高等初就業時今裴相公戒子慎勿以策苑  
為美子深佩其言然而怪其多大擬取有以取遂切求  
潛覽功及累月無所獲先是穆員盧景亮同年應制俱  
以詞直見黜予求獲其策皆手自寫之置在筐篋樂天  
損之輩常詛予篋中有不第之  
祥而又哂予決求高第之僭也唱第聽雞集趨朝忘馬  
疲內人輿御案朝景麗神旗首被呼名姓多慙冠等衰  
千官容眷盼五色照離披鷓侶從茲洽鷗情轉自縻分

張殊品命中外却驅馳出入稱金籍東西侍碧墀鬪班  
雲洶湧開扇雉參差切愧尋常質親瞻咫尺姿日輪光

照耀龍服瑞歲蕤誓欲通愚謬生憎效喔咻佞存真妾  
婦諫死是男兒便殿承偏召權臣懼撓私廟堂雖稷契  
城社有狐狸似錦言應巧如弦數易欺敢嗟身暫黜所

恨政無毗

予元和元年任拾遺八十二日  
延英對九月十三貶授河南尉

謬辱良由此

昇騰亦在斯再令陪憲禁依舊履沾危使蜀常縣遠分  
臺更嶮巖匿姦勞發掘破黨惡持疑斧刃迎皆碎盤牙



老未萎乍能還帝笏詎忍折

音浙

吾支虎尾元來險圭文

却類疵浮榮齊壤芥閒氣詠江離闕下殷勤拜樽前嘯

傲辭飄沈委蓬梗忠信敵蠻夷戲誚青雲驛譏題皓髮

祠

予途中作青雲驛詩病其雲泥一致作四皓廟詩譏其出處不常

貪過谷隱寺留讀峴

山碑

寺在亭側

草沒章臺隄隄橫楚澤湄野蓮侵稻隴亞柳

壓城隄遇物傷凋換登樓思漫瀰金攢嫩橙子墜泛遠

鷓鴣仰竹藤纏屋苦茆荻補籬

南人以大竹為瓦用荻為籬也

麪梨通

蒂朽火米帶芒炊

麪梨軟爛無味火米粗糲不精

葦筍鍼筒束鯁魚箭

羽髻芋羹真底可鱸膾漫勞思北渚銷魂望南風著骨

吹度梅衣色漬食稗馬蹄羸

南方衣服經夏謂之度梅顏色盡黧馬食菰蔣蓋北

地稊稗之屬

院權和泥驗官酷小麴醜訛音煩繳繞輕去聲俗

醜威儀樹罕貞心柏畦豐衛足葵坳窪饒虺矮游惰壓

庸緇病賽烏稱鬼巫占瓦代龜

南人染病競賽烏鬼楚巫列肆悉賣瓦卜

連

陰蠅張王瘡瘡雪治醫

雨中井作蛙池終冬往往無雪

我正窮於是君

寧念及茲一篇從日下雙鯉送天涯坐捧迷前席行吟

忘結綦匡床鋪錯繡几案踴靈芝形影同初合參商喻

此離扇因秋棄置鏡異月盈虧壯志誠難奪良辰豈復  
追甯牛終夜永潘鬢去年衰

予今年始三十二  
去歲已生白髮

溟渤深

那測穹蒼意在誰馭方輕驪裒車肯重辛夷卧轍希濡  
沫低顏受頷頤世情焉足怪自省固堪悲溷鼠虛求潔  
籠禽方訝飢猶勝憶黃犬幸得早圖之

御定全唐詩卷四百五

欽定四庫全書薈要卷一萬七千八百十一

具部

御定全唐詩卷四百六

元稹

紀懷贈李六戶曹崔二十功曹五十韻

昔冠諸生首初因三道徵公卿碧墀

一作

會名姓白麻

稱日月光遙射煙霄志漸宏榮班聯錦繡諫紙

一作賜路

牋藤便欲

一作務

呈肝膽何言犯股肱椎埋衝斗劍消碎

瑩壺冰赤縣纔分務青驄已迴乘因騎度海鶻擬殺蔽

天鵬縛虎聲空壯連鰲力未勝風翻波竟蹙山壓勢逾  
崩僂辱徒相困蒼黃性不能酣歌離峴頂負氣入江陵  
革表當蟾魄高樓挂玉繩角聲悲掉蕩城影暗稜層軍  
幕威容盛官曹禮數兢心雖出雲鶴身尚觸籠鷹竦足  
良甘分排衙苦未曾通名參將校抵掌見親朋煦沫求  
涓滴滄波怯斗升荒居鄰鬼魅羸馬步踈殘白草堂簷  
短黃梅雨氣蒸霑黏經汗席颭閃盡油燈夜怯餐膚蚋  
朝煩拂面蠅過從愁厭賤專靜畏猜仍旅寓誰堪託官

聯自可憑甲科崔並驚柱史李齊昇共展排空翼俱遭  
激遠矧他鄉元易感同病轉相矜投分多然諾忘言少  
愛憎誓將探肺腑恥更辨淄澠會宿形骸遠論交意氣  
增一心吞渤澥戮力拔嵩恒語到磨圭角疑消破弩癥  
吹噓期指掌患難許擔簦鍛翮鷺棲棘藏鋒箭在弮雪  
中方覩桂木上莫施罾且泛蚿泔水蕉過被病僧有時  
鞭欵段盡日醉僂僂躡履看秧稻敲船和採菱又魚江  
火合喚客谷神應嘯傲雖開口幽憂復滿膺望雲鰭撥

刺透匣色騰凌每想潢池寇猶稽赤族懲夔龍勞算畫  
貌虎帶威稜逐鳥忠潛奮懸旌意遠凝弦弓思徹札絆  
驥悶牽絀運臂調辛苦聞雞屢寢興閒隨人兀兀夢聽  
鼓鑿鑿班筆行看擲黃陂莫漫澄騏驎高閣上須及壯  
時登

答姨兄胡靈之見寄五十韻

并序

九歲解賦詩飲酒至斗餘乃醉時方依倚舅族舅  
憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡  
合散可勝道哉昨枉是篇感徹肌骨適白翰林又  
以百韻見貽余因次酬本韻以荅貫珠之贈焉於  
吾兄不敢變例復自城至生凡次五十一字靈之  
本題兼呈李六侍御是以篇末有云

憶昔鳳翔城韶年是事榮理家煩伯舅相宅盡

茲引反

吾

兄詩律蒙親授朋遊忝自迎題頭筠管縵教射角弓駢

靈之善筆  
札習騎射

矮馬馳鬣韞韞

音

牛獸面纓對談依赳赳送



客步盈盈米椀諸賢讓蠶枉大戶傾一船席外語三楹

拍心精傳盞加分數橫波擲目成華奴歌淅淅媚子舞

卿卿

軍大夫張生好屬詞多妓樂歌者華奴善歌淅淅  
鹽又有舞者媚子每觥令禁言張生常令相撓

鬪設狂為好誰憂飲敗名屠過隱朱亥樓夢古秦嬴

弄玉

樓在鳳翔  
城北角

環坐唯便草投盤暫廢觥春郊纔爛熳夕鼓

已砮轟荏苒移灰瑄闌勸塞兵糟漿聞漸足書劍訝

無成抵壁慙虛棄彈珠覺用輕遂籠雲際鶴來狎谷中

鶯學問攻方苦篇章興太清囊踈螢易透錐鈍股多坑

筆陣戈矛合文房棟桷撐豆萁才敏雋羽獵正崢嶸岐

下尋時別京師觸處行醉眠街北廟閒繞宅南營

予宅在靖

安北街靈之時寓居永樂南街廟中予宅又南鄰營

柳愛凌寒軟梅憐上番驚

紀事作觀玉雪輕觀松青黛笠欄藥紫霞英

開元觀古松五株靖安宅牡丹數本皆曩

時遊行之地

盡日聽僧講通宵詠月明正耽幽趣樂旋被宦

途縈吏晉資材枉留秦歲序更

時靈之作吏平陽予酬校秘閣自茲分散我

髯鬢數寸君髮白千莖芸閣懷鉛暇姑峰帶雪晴何由

身倚玉空覩翰飛瓊世道難於劍讒言巧似笙但憎心

可轉不解跼如擎始効神羊觸俄隨旅鴈征孤芳安可

駐五鼎幾時烹潦倒沉泥滓歎危踐矯衡登樓王粲望

落帽孟嘉情

龍山落帽臺去府城二十里

巫峽連天水章臺塞路荆

章華臺去

府十里

雨摧漁火燄風引竹枝聲分作屯之蹇那知

困亦亨官曹三語掾國器萬尋楨

此後多述李君定交之由用報靈之兼呈

之意逸傑雄姿迴皇王雅論評蕙依潛可習雲合定誰令

原燎逢氷井鴻流值木罌智囊推有在勇爵敢徒爭迅

拔看鵬舉高音侍鶴鳴所期人拭目焉肯自佯盲鉛鈍

丁寧淬蕪荒展轉耕窮通須豹變櫻搏笑狼獾媿捧芝  
蘭贈還披肺腑呈此生如未死未擬變平生

一本云今日負平生

酬許五康佐

次用本韻

奮迅君何晚羈離我詎儔鶴籠閒警露鷹縛悶牽韝蓬  
閣深沉省荆門遠慢州課書同吏職旅宦各鄉愁白日  
傷心過滄江滿眼流嘶風悲代馬喘月伴吳牛枯涸方  
窮轍生涯不繫舟猿啼三峽雨蟬報兩京秋珠玉慙新  
贈芝蘭忝舊游他年問狂客須向老農求

送崔侍御之嶺南二十韻

并序

古朋友別皆贈以言况南方物候飲食與北土異  
其甚者夷民喜聚蠱祕方云以含銀變黑為驗攻  
之重雄黃海物多肥腥啖之好嘔泄驗方云備之  
在鹹食嶺外饒野菌視之蟲蠹者無毒羅浮生異  
果察其鳥啄者可餐大抵珠璣瑇瑁之所聚貴潔  
廉湮鬱暑濕之所蒸避溢慾其餘道途所慎離愴  
之懷盡之二百言矣敘不復云

漢法戎施幕秦官郡置監蕭何歸舊印

自江陵士曹拜鮑

永授

新銜幣聘雖盈篋泥章未破緘蛛懸絲繚繞鵲報語詰

諭再礪神羊角重開憲簡函

崔君前任已為御史

鞞纓馳赴赴綏

珮繡綵綵逸翮憐鴻翥離心覺刃剗聯游虧片玉洞照

失明鑿遥想車登嶺那無淚滿衫茅蒸連蟒氣衣漬度

梅黠象鬪綠谿竹猿鳴

一作啼

帶雨杉颶風狂浩浩韶石

峻嶰嶰宿浦宜深泊祈瀆在至誠瘴江乘

一作期

早度毒

草莫親艾試蠱看銀黑排腥貴食鹹菌須蟲已蠹菓重

鳥先鵠冰瑩懷貪水霜清顧一作頭痛巖珠璣當盡擲意

次詎能讒荆俗欺王粲吾生問季咸遠書多不達勤為

枉攡攡

酬段丞與諸棊流會宿弊居見贈二十四韻次用

本韻

鳴局寧虛日閒窻任廢時琴一作詩書甘盡棄園井詎能

窺運石疑填海爭籌憶坐帷赤心方苦鬪紅燭已先施

蛇勢縈山合鴻聯度嶺遲堂堂排直陣哀哀逼羸師懸

劫偏深猛回征特險巖旁攻百道進死戰萬般為異日

玄黃隊今宵黑白碁斫營看迴點對壘重相持善敗雖

稱怯驕盈最易欺狼牙當必碎虎口禍難移乘勝同三

捷扶顛望一詞一作希因送目便敢恃指縱竒退引防

邊策雄吟斬將詩眠牀都浪置通夕共忘疲曉雉風傳

角寒藜雪壓枝繁星收玉版殘月耀冰池僧請聞鐘粥

賓催下藥卮獸炎餘炭在蠟淚短光衰俛仰嗟陳跡殷

勤卜後期公私牽去住車馬各支離分作終身癖兼從



是事隨此中無限興唯怕俗人知

酬賓校書二十韻

次本韻

鷗鷺元相得杯觴每共傳芳遊春爛熳晴望月團圓調  
笑風流劇論文屬對全賞

一作詠

花珠並綴看雪壁常連

竹寺荒唯好松齋小更憐潛投孟公轄狂乞莫愁錢塵  
土拋書卷槍籌弄酒權令誇齊箭道力鬪抹弓弦但喜  
添樽滿誰憂乏桂然漸輕身外役渾證飲中禪及我辭  
雲陞逢君仕圃田音徽千里斷魂夢兩情偏足聽猿啼

雨深藏馬腹鞭官醪半清濁夷饌雜腥膻顧影無依倚  
甘心守靜專那知暮江上俱會落英前歎曲生平在悲  
涼歲序遷鶴方同北渚鴻又過南天麗句慙虛擲沉機  
嬾強牽粗酬珍重意工拙定相懸

泛江翫月十二韻并序

予以元和五年自監察御史貶授江陵士曹掾六  
月十四日張季友李景儉二侍御王文仲司錄王  
衆仲判官兩昆季為予載酒炙選聲音自府城之

南橋

一作淮

乘

一作攀

月泛舟窮竟一夕予因賦詩以

紀之

楚塞分形勢羊公壓大邦因依

一作明濟

多士子參畫

一作量

盡敦龐岳壁閒相對荀龍自有雙共將船載酒

一作繫泊

同

泛

一作況是

月臨江遠樹懸金鏡深潭倒玉幢委波添淨練

洞照滅凝缸闐咽沙頭市瓊瓏竹岸窗巴童唱巫峽海

客話神瀧已困連飛盞猶催未倒缸飲荒情爛熳風棹

樂崢攢勝事他年憶

一作盡

愁

一作雄

心此夜降知君皆逸

韻須為應筵撞

店卧聞幕中諸公徵樂會飲因有戲呈三十韻  
獲落因寒甚沉陰與病偕藥囊堆小案書卷塞空齋  
腹看成鼓羸形漸比柴道情憂易適溫瘴氣難排治  
疔扶輕杖開門立靜街耳鳴疑暮角眼暗助昏霾野竹連  
荒草平陂接斷崖坐隅甘對鵬當路恐遭豺蛇蠱迷弓  
影鵬翎落箭靛晚籬喧鬪雀殘菊半枯荻悵望悲回鴈  
依遲傍古槐一生長苦節三省詎行怪奔北翻成勇司

南却是禹穹蒼真漠漠風雨漫喑喑彼美猶谿女其誰

占館娃誠知通有日太極浩無涯布卦求无妄祈天願

孔皆藏衰謀計拙地僻往還乖况羨蓮花侶方欣綺席

諧鈿車迎妓樂銀翰屈朋儕白紵顰歌黛同蹄墜舞釵

白紵同蹄皆

樂人姓名 織身霞出海艷臉月臨淮籌箸隨宜放投

盤止罰嗟紅娘留醉打觥使及醒差

舞引紅娘拋打曲名酒中觥使席上

右職 顧我潛孤憤何人想獨懷夜燈然擱葉凍雪墮塼堦

壞壁虛缸倚深爐小火埋鼠驕銜筆硯被冷束筋骸畢

竟圖斟酌先須遣癘疾

瘴疾之徒

槍旗如在手

籌箸色目

那復敢

歲裏

酬友封話舊叙懷十二韻

依次重用為韻

風波千里別書信二年稀乍見悲兼喜猶驚是與非身  
名判作夢盃盞莫相遠草館同牀宿沙頭待月歸春深  
鄉路遠老去官情微魏闕何由到荊州且共依人欺翻  
省事官冷易藏威但擬馴鷗鳥無因用弩機開張圖一作  
門卷軸顛倒醉衫衣萼菜銀絲嫩鱸魚雪片肥憐君詩

似湧贈我

一作  
踊馬

筆如飛會遣諸伶唱篇篇入禁闈

送王協律游杭越十韻

去去莫悽悽餘杭接會稽松門天竺寺花洞若耶溪浣

渚逢新豔蘭亭識舊題山經秦帝望

一作  
葬

壘辨越王棲

一作  
堤江樹春常早城樓月易低鏡呈

一作  
澄

湖面出

一作  
帶

雲疊海潮齊章甫官人戴萼絲姹女提長干迎客鬧小

市隔煙迷紙亂紅藍壓甌凝碧玉泥荆南無抵

一作  
底

物

來日為儂攜

送東州馬逢侍御使回十韻

風水荆門濶文章蜀地豪  
眼青賓禮重眉白衆情高  
思勇曾吞筆投虛慣用刀  
詞鋒倚天劔學海駕雲濤  
南郡傳紗帳東方讓錦袍  
旋吟新樂府便續古離騷  
雪岸猶封草春江欲滿槽  
餞筵君置醴隨俗我鋪糟  
莫歎巴三峽休驚鬢二毛  
流年等頭一作間過人世各勞勞



御定全唐詩卷四百六

欽定四庫全書薈要卷一萬七千八百十二

集部

御定全唐詩卷四百七

元稹

酬盧祕書

并序

予自唐歸京之歲祕書郎盧拱作喜遇白贊善學士詩二十韻兼以見貽白詩酬和先出予草蹙末暇皇一作盧頻有致師之挑故篇末不無憤辭其次用本韻習然也

偶有衝天氣都無處世才未容榮路穩先蹈禍機開分  
久沉荆掾慙經厠柏臺理推愁易惑鄉思病難裁夜伴  
吳牛喘春驚朔鴈回北人腸斷送西日眼穿隕唯望魂  
歸去那知詔下來洄魚千丈水彊燕一聲雷幽匣提清  
鏡衰顏拂故埃夢雲期紫閣厭雨別黃梅親戚迎時到  
班行見處陪文工猶畏忌朝士絕嫌猜新識蓬山傑深  
交翰苑材連投珠作貫獨和玉成堆劇敵徒相軋羸師  
亦自媒磨礱刮骨刃翻擲委心灰恐被神明哭憂為造

化災私調破葉箭定飲寡旗杯金寶潛砂礫芝蘭似草  
萊憑君毫髮鑒莫遣翳莓苔

見人詠韓舍人新律詩因有戲贈

喜聞韓古調兼愛近詩篇玉磬聲聲徹金鈴箇箇圓高  
疎明月下細膩早春前花態繁於綺閨情軟似綿輕新  
便妓唱凝妙入僧禪欲得人人伏能教面面全延之一

清苦拘檢摩詰好因緣七字排居敬千詞敵樂天

侍御八兄

能為七言絕句贊善  
白君好作百韻律詩

殷勤問太祝

張君

好去老通川

自謂

草漫裁章句須饒紫禁仙

奉和權相公行次臨闕驛逢鄭僕射相公歸朝  
俄頃分途因以奉贈詩十四韻

帝下赤霄符搜求造化爐中台歸內座太一直南都黃  
霸乘輶入王尊叱馭趨萬人東道送六纛北風驅棧閣  
纔傾蓋闕門已合縑貫魚行遞迤交馬語踟躕去速熊  
羆兆來馳虎豹夫昔憐三易地今訝兩分途別路環山  
雪離章運寸珠鋒銑斷屏兕波浪沒蓬壺區宇聲雖動

淮河孽未誅將軍遙策畫師氏密訐謨漢上壇仍築襄  
西陣再圖公方先二虜何暇進愚儒

酬樂天東南行詩一百韻

并序

元和十年三月二十五日子司馬通州二十九日  
與樂天於鄆東蒲池村別各賦一絕到通州後子  
又寄一篇尋而樂天貺予八首予時瘧病將死一  
見外不復記憶十三年予以赦當遷簡省書籍得  
是八篇吟歎方極適崔果州使至為予致樂天去

年十二月二日書書中寄予百韻至兩韻凡二十

四章屬李景信校書自忠州訪予連牀遞飲之間

悲咤使酒不三兩日盡和去年已來三十二章皆

畢李生視草而去四月十三日子手寫為上下卷

仍依次重用本韻亦不知何時得見樂天因人或

寄去通之人莫可與言詩者唯妻淑在旁知狀其本

卷尋時於峽州面付樂天別本都在唱  
和卷中此卷唯五言大律詩二首而已

我病方吟越君行已過湖

元和十年閏六月至通州染  
瘴危重八月聞樂天司馬江

川去應緣直道哭不為窮途亞竹寒驚牖空堂夜向隅

暗魂思背燭危夢怯乘桴

此後每聯之內半述巴蜀土風半述江鄉物產

坐痛

筋骸慙旁嗟物候殊雨蒸蟲沸渭浪湧怪睢盱索綆飄

蚊蚋蓬麻甍舳艫短簷苦稻草微俸封

去聲

漁租泥

去聲浦

喧撈蛤荒郊險鬪驅鯨吞近溟漲猿闌接黔巫芒屨涸

牛婦了頭蕩漿夫酢醅荷裹賣醕酒水淋沽

巴民造酒如淋醅法

舞態翻鸚鵡歌詞咽鷓鴣夷音啼似笑蠻語謎相呼江

郭船添店山城木豎郭吠聲沙市犬爭食墓林烏獠俗



誠堪憚妖神甚可虞欲令仁漸及已被瘧潛圖膳減思

調鼎行稀恐蠹樞雜蓐多剖鱔和黍半蒸菰綠稷新菱

實金丸小木奴

巴橘酸澁大如彈丸

芋羹真暫淡鼈炙漫塗蘇魚

鼈那勝荈烹鮓只似鱸

通州俗以鮓魚為鱸

楚風輕似蜀巴地濕

如吳氣濁星難見州斜日易晡通宵但雲霧未酉即桑

榆

此後並言巴中風俗

瘴窟蛇休蟄炎溪暑不徂佺魂陰叫嘯鵬

貌晝踟躕鄉里家藏蠱官曹世乏儒斂緡偷印信傳箭

作符繻椎髻拋巾幘鑱刀代輓轡當心鞞銅鼓背弋射

桑弧

巴民盡射木弓仍於弓左安箭

豈復民眈料須將鳥獸驅是非渾

並漆詞訟敢研朱陋室鴉窺伺衰形蟒覬鬚毛霜點

合襟淚血痕濡倍憶京華伴偏忘我爾軀

此後並言與樂天同科共

遊處等事

謫居今共遠榮路昔同趨科試銓衡局衙參典校

廚

書判同年校正同省

月中分桂樹天上識昌蒲應召逢鴻澤陪

游值賜酺心唯撞衛磬耳不亂齊竽

此後並言同應制時事

海岱

詞鋒截皇王筆陣毆疾奔凌駮裏高唱軋吳歛點檢張

儀舌提攜傳說圖擺囊看利穎開領出明珠並取千人

特皆非十上徒白麻雲色膩墨詔電光麤衆口貪歸美

何顏敢妬姝秦臺納紅旭鄧匣洗黃墟諫獵寧規避彈

豪詎嘖嘖肺肝憎巧曲蹊徑絕縈迂誓遣朝綱振忠饒

翰苑輸元和四年為監察御史樂天為翰林學士驥調方汗血蠅點忽成盧

遂謫栖遑掾還飛送別孟痛嗟親愛隔顛望友朋扶狸

病翻隨鼠驄羸返作駒物情良狗俗時論太誣吾瓶罄

壘偏恥松摧柏自枯虎雖遭陷穽龍不怕泥塗此已上並述五

年貶掾江陵樂天亦遭罹謫錄重喜登賢苑方欣佐伍符九年樂天除太子贊善子

從事唐判身入矛戟輕敵比鎚銖驛騎來千里天書下州也

九衢因教罷飛檄便許到皇都

十年春自唐州詔予召入京

舟敗罌

浮漢驂疲杖過邗邳亭一蕭索烽候各崎嶇餽人推

輅誰何吏執艾拔家逃力役連鑱責

音債

逋誅防戍兄兼

弟收田婦與姑縑紉工女竭青紫使臣紆望國參雲樹

歸家滿地蕪破窗塵墉墉幽院鳥鳴鳴

此已下並言靖安里無人居觸

目荒涼

祖竹藂新筍孫枝壓舊梧晚花狂蛺蝶殘葉宿茱

萸始悟摧林秀因銜避繳蘆文房長遣閑經肆未曾鋪

鷓鴣方求侶，鷓鴣已嚇雛。徵還何鄭重，斥去亦須臾。迢

遞投遐徼，蒼黃出與區。通川誠有咎，湓口定無辜。

三月稹之

通川八月樂天之江州

利器從頭匣，剛腸到底剗。董猶任盛貯，稹

稹莫超踰。公幹經時卧，鍾儀幾歲拘。光陰流似水，蒸瘴

熱於鑪。薄命知然也，深交有矣夫。救焚期骨肉，投分刻

肌膚。

本題云寄澧州李十一舍人果州崔二十二員外開州章大員外通州元九侍御庾三十二補闕杜

十四拾遺李二十助教竇七校書兼投吊席八舍人

二妙馳軒陛，三英詠袴襦。

庾三

十二杜十四並居北省李十一崔二十二韋大各典方州

李多嘲蝦蟇，竇數集蜘蛛。

李二十雅善歌詩固多咏物之作  
寶七頌改宮銜屢有蜘蛛之喜  
數子皆竒貨唯予獨

朽株邯鄲笑匊匊燕蒯受擲揄嬾學三閭憤甘齋百里  
愚耽眠稀醒素憑醉少嗟吁學問徒為爾書題盡已于

別猶多夢寐情尚感凋枯近喜司戎健尋傷掌誥徂今日

得樂天書六年間席八歿士元名位屈伯道子孫無舊好飛瓊翰新

詩灌玉壺幾催閒處泣終作苦中娛廉藺聲相讓燕秦  
勢豈俱此篇應絕倒休漫捋髭鬚

樂天戲題篇末云此篇擬打足下寄容州

詩故有  
戲譽

和樂天送客遊嶺南二十韻

次用本韻

我自離鄉久君那度嶺頻一杯魂慘澹萬里路艱辛江  
館連沙市瀧船泊水濱騎田迴北顧銅柱指南鄰大壑

浮三島周天過五均波心湧樓閣規外布星辰

交廣間南極浸

高北極浸低圓規度外星辰至衆  
大如五曜者數十皆不在星辰  
佛佛穿筒格猩猩置

屐馬郭璞云嵩嵩交廣山谷間有之南人俗法嘗用竹筒穿臂以受之佛佛執臂輒笑笑則唇蔽兩目人

因自筒中出手以釘釘之於樹猩猩嗜酒好屐南人嘗以美酒置於其所且排十數屐猩猩見之驟相謂曰吾既就擒矣然而漸飲至醉醉則穿破屐而行既不能去相與泣而見獲故吳都賦曰猩猩啼而就擒嵩嵩笑而被

格蓋為此貢兼鮫女絹俗重語兒巾南方去京華絕遠冠冕不到唯海路稍通吳中

商肆多榜云此有語兒巾子舶主腰藏寶南方呼波斯為舶主胡人異寶多自懷藏以避強丐

黃家砮柴去聲南夷之區落起塵歌鍾排象背炊爨上魚身夷民大陳

設則巨象背上作樂大魚出浮身若洲島海人泊舟於旁因而炊爨其上魚不之覺電白雷山接

旗紅賊艦新島夷徐市種廟現趙佗神鳶跼方知瘴蛇

蘇不待春曙潮雲斬斬夜海火燐燐海水夜擊之則盡如火蓋陰火潛然

之謂冠冕中華客梯航異域臣果然皮勝錦吉了舌如

人風黠一作點秋茅葉煙埋曉月輪定應玄髮變焉用翠



毛珍句漏沙須買貧泉貨莫親能傳稚川術何患隱之貧

獻滎陽公詩五十韻

并啓

啓今月十七日公會儒於便廡稹亦謬容末席公  
出棠樹之首章且識其目曰客有前進士韋張在  
宋來會學由我而下聯為五言以美之諸生怙怙  
竦竦各盡詞以獻公公則舉其摧敵推案析理次  
至數聯應若前定諸儒有不安者隨為剗削變模

為妍不廢暮而珠貫成就瑕不可掩者積六聯耳  
退而自咎且盛公之所為因而次用所聯翮賢等  
五十一字合為一詩止詠公之詞業力翰洎生徒  
學校之事而已也其於勲位崇懿在國籍族地清  
甲編世家政事德美播謳謠儉仁慈愛被親戚非  
小儒造次之所盡大凡受褊狹者不可以語大持  
杯椽而承澍雨自滿而止又安能測其濤沛之所  
至哉惶恐無任俯伏待罪謹以啓陳不宣謹啓

鄭驛騎翩翩丘門子弟賢文翁開學日正禮聘途年

張秀

才正暮榮陽公首薦登第也

駿骨黃金買英髦絳帳延趨風皆蹠足

侍坐各差肩解榻招徐穉登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取闕睢教授先

榮陽公察吏生徒受詩有百數

篆垂

朝露滴詩綴夜珠聯逸禮多心匠焚書舊口傳陳遵修

尺牘阮瑀讓飛牋中的顏初啓抽毫踵未旋森羅萬木

合屬對百花全詞海跳波湧文星拂坐懸戴馮遙避席

祖述後施鞭西蜀凌雲賦東陽詠月篇勁艾鼈足斷精  
貫蝨心穿浩汗神彌王颯颯興欲仙冰壺通皓雪綺樹  
眇晴煙驅駕雷霆走鋪陳錦繡鮮清機登突輿流韻溢  
山川墨客膺潛服談賓膝誤前張鱗定摧敗折角反矜  
憐句句推瓊玉聲聲播管弦纖新撩造化瀕洞幹陶甄  
衛磬琤鉤極齊竽僭濫偏空虛慙炙輶點竄許懷鈞憊  
色秋來草哀吟雨後蟬自傷魂慘沮何暇思幽玄

積病  
瘡二

年求醫在此榮陽  
公不忍歸之瘴鄉

喜到樽罍側愁親几案邊菁華知竭

矣肺腑尚求旃抵滯渾成醉徘徊轉慕臙老歎才漸少  
閒苦病相煎瓦礫難追琢芻蕘分棄捐漫勞成懇懇那  
得美娟娟拙劣仍非速迂愚且異專移時停筆硯揮景  
乏戈鋌儀舌忻猶在舒帷誓不褰會將連獻楚深恥謬  
游燕蒲有臨書葉帝充讀易編沙須披見寶經擬帶耕  
田入霧長期閏持朱本望研輪轅呈曲直鑿枘取方圓  
呼吸寧徒爾霑濡豈浪然過簫資響亮隨水漲淪漣惜  
日看圭短偷光恨壁堅勤勤彫朽木細細導蒙泉傳癖

今應甚頭風昨已痊丹青公舊物一為變蚩妍

御定全唐詩卷四百七

欽定四庫全書薈要卷一萬七千八百十三

具部

御定全唐詩卷四百八

元稹

酬樂天江樓夜吟稹詩因成三十韻

次用本韻

忽見君新句君吟我舊篇見當巴徼外吟在楚江前思  
鄙寧通律聲清遂扣玄三都時覺重一顧世稱妍排韻  
曾遙答分題幾共聯昔憑銀翰寫今賴玉音宣布鼓隨  
椎響坏泥仰匠圓鈴因風斷續珠與調牽絲阮籍驚長



嘯商陵怨別弦猿羞啼月峽鶴讓警秋天志士潛興感  
高僧暫廢禪興飄滄海動氣合碧雲連點綴工微者吹  
噓勢特然休文徒倚檻彥伯浪回船伎樂當筵唱兒童  
滿巷傳改張思婦錦騰躍賈人牋魏拙虛教出曹風敢  
望痊定遭才子笑恐賺學生癩裁什情何厚飛書信不  
專隼猜鴻蓄縮虎橫犬迤邐水墨看雖久瓊瑤喜尚全  
纔從魚裏得便向市頭懸夜置堂東序朝鋪座右邊手  
尋韋欲絕淚滴紙渾穿甘蔗銷殘醉醅醒早眠深藏

那遽滅同詠苦無緣雅羨詩能聖終嗟藥未仙五千誠

遠道四十已中年

諸葛亮云揚州萬里潯陽向暗魄多餘五千僕今年忽已四十一

相夢衰容每自憐卒章還慟哭蚊蚋溢山川

酬樂天待漏入閣見贈

時樂天為中書舍人予任翰林學士

未勘銀臺契先排浴殿闕沃心因特召丞旨絕常班丞

學士在諸學士上

颯閃才人袖

思政對學士往住宮官傳詔

嘔鴟軟舉鑲宮

花低作帳雲從積成山密視樞機草偷瞻咫尺顏恩垂  
天語近對久漏聲聞丹陛曾同立金鑿恨獨攀筆無鴻

業潤袍媿紫文殷河水通天上瀛州接世間謫仙名籍  
在何不重來還

酬樂天早春閒遊西湖頗多野趣恨不得與微  
之同賞因思在越官重事殷鏡湖之遊或恐未  
暇因成十八韻見寄樂天前篇到時適會予亦  
宴鏡湖南亭因述目前所睹以成酬荅末章亦  
示暇誠則勢使之然亦欲粗為恬養之贈耳

浙東

時作

雁思欲回賓風聲乍變新各攜紅粉伎俱伴紫垣人水

面波疑縠山腰虹

降音

似巾柳條黃大帶芡葑

芡葑草根

綠文

茵雪盡纔通屐汀寒未有蘋向陽偏曬羽依岸小游鱗

浦嶼崎嶇到林園次第巡墨池憐嗜學丹井羨登真逸少

墨池稚川丹井皆越中異跡

雅歎游方盛聊非意所親白頭辭北闕

滄海是東鄰問俗煩江界蒐畋想渭津故交音訊少歸

夢往來頻獨喜同門舊皆為列郡臣三刀連地軸一葦

礙車輪尚阻青天霧空瞻白玉塵龍因雕字識犬為送

書馴勝事無窮境  
流年有限身  
嬾將閒氣力  
爭鬪野塘春

江邊四十韻

官為修宅卒然有作因招李六侍御此後並江陵時作

官借江邊宅  
天生地勢坳  
歎危饒壞構  
迢遞接長郊  
怪鵬頻棲息  
跳蛙頗混殽  
總無籬繳繞  
尤怕虎咆哮  
停潦魚招獺  
空倉鼠敵貓  
土虛煩穴蟻  
柱朽畏藏蛟  
蛇虺吞  
簷雀豺狼逐  
野麋犬驚狂  
浩浩雞亂響  
嚶嚶渡落貧  
甘守荒涼穢  
盡包斷簾飛  
熠燿當戶網  
蟪蛄曲突翻  
成沼

行廊却代庖橋橫老顛拚馬病衰芻芟一一牀頭點連  
連砌下泡辱泥疑在絳避雨想經嶠相顧憂為鼈誰能  
復繫匏誓心來利往卜食過安爻何計逃昏墊移文報  
舊交棟梁存伐木苦蓋愧分茅金瑄排黃荻琅玕裹翠  
梢花塼水面鬪鴛瓦玉聲敲方礎荆山採修椽郢匠鉋  
隱錐一作雷震蟄破竹箭鳴骹正寢初停午頻眠欲轉  
胞困圓收一作薄祿廚敝備嘉肴各各人寧字雙雙燕  
賀巢高門受車轍華廐稱蒲捐尺寸皆隨用毫釐敢浪

拋籜餘籠白鶴枝

集本缺

勝架青鷄製榻容筐篚施闕拒

斗筲欄干防汲井密室待持膠庭草傭工雜園蔬稚子  
培本圖閒種植那要擇肥磽綠袖勤勤數紅榴箇箇抄  
池清漉螃蟹瓜蠹拾蝦蟇曬篆看沙鳥磨刀綻海鮫羅  
灰修藥竈築堞闕弓弣散誕都由習童蒙刺嬾教最便  
陶靜飲還作解愁嘲近浦聞歸楫遙城罷曉鏡王孫如  
有問須為併揮鞘

春六十韻

節應寒灰下春生返照中未能消積雪已漸少回風迎  
氣邦經重齋誠帝念隆龍驤紫宸北天壓翠壇東仙仗  
搖佳彩榮光峇聖衷便從威仰座隨入大羅宮先到璇  
淵底偷穿瑤瑁櫳館娃朝鏡晚太液曉冰融捺音剔  
情徧搜求好處終九霄渾可可萬姓尚忡忡晝漏頻加  
箭宵暉欲半弓驅令三殿出乞與百蠻同直自方壺島  
斜臨絕漠戎南巡暖一作珠樹西轉麗崆峒度嶺梅甘  
坼潛泉脈暗洪悠悠鋪塞草冉冉著江楓鷲役投筐妾



耘催荷蓀翁既蒸難發地仍送嬾歸鴻約畧環區宇殷

勤綺鎬艷華山青黛撲渭水碧沙蒙宿露清餘靄晴煙

塞迴空燕巢纔點綴鶯舌最惺惚膩粉梨園白胭脂桃

徑紅鬱金垂嫩柳晷畫委高籠地甲門闌大天開禁掖

宗層臺張舞鳳閣道架飛虹麴蘖調神化集本鷓鷯竭

至忠歌鍾一作聲齊錫宴車服獎庸功俊造欣一作興時用

閭閻賀歲豐倡樓妝燿燿一作歌農野綠一作麥芄芄貴

主驕矜盛豪家恃賴雄偏霑打球彩頻得鑄錢銅專殺

擒楊若殊恩赦

一作赫

鄧通女孫新在內嬰稚近封公游

衍闋心樂詩書對面聾盤筵饒異味音樂斥庸工酒愛  
油衣淺杯誇瑪瑙烘挑鬟玉釵髻刺繡寶裝攏啓齒呈  
編貝彈絲動削蔥醉圓雙媚靨波溢兩明瞳但賞歡無  
極那知恨亦充洞房閒窈窕庭院獨蔥籠謝砌縈殘絮  
班窗網曙蟲望夫身化石為伯首如蓬顧我沉憂士騎  
他老病驄靜街乘曠蕩初日接瞳矐飲敗肺常渴魂驚  
耳更聰虛逢好陽豔其那苦昏悞僂俛還移步持疑又

省躬慵將疲賴質漫走倦羸僮季月行當暮良辰坐歎  
窮晉悲焚介子魯願浴沂童燧改鮮妍火陰繁掩澹桐  
瑞雲低啗啗香雨潤濛濛藥溉分窠數籬栽備幼冲種  
莎憐見葉護筍冀成筒有夢多為蝶因蒐定作熊漂沈  
隨壞芥榮茂委蒼穹震動風千變晴和鶴一冲丁寧寒  
芳侶須識未開叢

月三十韻

冀葉標新朔霜豪引細輝白眉驚半隱虹勢訝全微涼

一作  
瞻 魄潭空洞虛弓雁畏威上弦何汲汲佳色轉依依

綺幕殘燈斂妝樓破鏡飛玲瓏穿竹樹岑寂思悞幃坐  
愛規將合行看望已幾絳河冰鑑朗黃道玉輪魏迴照  
偏瓊砌餘光借粉闌泛池相皎潔壓桂共芳菲的的當  
歌扇娟娟透舞衣殷勤入懷什懇款墮雲圻素液傳烘  
盞鳴琴薦碧微椒房深肅肅蘭路靄霏霏翡翠通簾影  
琉璃瑩殿扉西園筵瑤瑁東壁射蚺蠅老將占天陣幽  
人釣石磯荷鋤元亮息回櫂子猷歸迢遞同千里孤高

淨九圍從星作風雨配日麗旌旗麟鬪寧徒設蠅聲豈  
浪譏司存委卿士新拜出郊畿今古雖云極虧盈不易  
遠珠胎方夜滿清露忍朝晞漸減姮娥面徐收楚練機  
卞疑雕壁碎潘感竟牀稀捐篋辭班女潛波蔽處妃氛  
埃誰定滅蟾兔杳難希須遣圓明盡良嗟造化非如能  
付刀尺別為創璿璣

飲致用神麴酒三十韻

七月調神麴三春釀綠醞雕鑄荆玉盞烘透內丘餅試

滴盤心露疑添案上螢  
蒲尊凝止水祝地落繁星翻  
陋瓊漿濁唯聞石髓馨  
冰壺通角簾金鏡徹雲屏  
雪映煙光薄霜涵霽色  
冷蚌珠懸皎晶桂魄倒  
澗溟晝灑蟬將飲宵揮鶴  
誤聆琉璃驚太白鍾乳訝  
微青詎敢辭濡首并憐可  
鑒形行當遣俗累便得造  
禪扃何憚說千日甘從過  
百齡但令長泛蟻無復恨  
漂萍膽壯還增氣機忘反  
自冥甕眠思畢卓糟籍憶  
劉伶髣髴中聖日希夷夾  
大庭眼前須底物座右任  
他銘刮骨都無痛如泥未  
擬

停殘觴猶漠漠華燭已熒熒真性臨時見狂歌半睡聽  
喧闐爭意氣調笑學娉婷酩酊焉知極羈離忽暫寧雞  
聲催欲曙蟾影照初醒咽絕鴉啼竹蕭撩雁去汀遙城  
傳漏箭鄉寺響風鈴楚澤一為梗堯階屢變萱醉荒非  
獨此愁夢幾曾經每恥窮途哭今那客淚零感君澄醴  
酒不遣渭和涇

感石榴二十韻

何年安石國萬里貢榴花迢遞河源道因依漢使槎酸

辛犯蔥嶺顛顛涉龍沙初到標珍木多來比亂麻深拋  
故園裏少種貴人家唯我荊州見憐君胡地賒從教當  
路長兼恣入檐斜綠葉裁煙翠紅英動日華新簾羣透  
影踈牖燭籠紗委作金爐燄飄成玉砌瑕乍驚珠綴密  
終誤繡幃奢琥珀烘梳碎燕支嬾頰塗風翻一樹火電  
轉五雲車絳帳迎宵日芙蓉綻早牙淺深俱隱映前後  
各分葩宿露低蓮臉朝光借綺霞暗虹徒繳繞濯錦莫  
周遮俗態能嫌舊芳姿尚可嘉非專愛顏色同恨阻幽



遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重翦鑿基階正包藏景氣濃諸巖分院宇雙嶺抱垣

墉舍利開層塔香爐占小峰道場居士置經藏大師封

太子知栽植神王守要衝由旬排講座丈六寫真容佛

語迦陵說僧行猛虎從修羅臺日拒樓至拔霜鋒畫井

垂枯朽穿池救噉喙蕉非難敗壞槿喻暫丰茸寶界留

遺事金棺滅去蹤  
鉢傳烘瑪瑙石長翠芙蓉影帳紗  
全落繩牀土半壅  
金棺已下竝寺中所有  
荒林迷醉象危壁亞盤龍  
行色憐初月歸程待曉鐘  
心源雖了了塵世苦憧憧  
宿陰高聲懺齋糧并力春  
他生再來此還願總相逢

大雲寺二十韻

地勝宜臺殿山晴離垢氛  
現身千佛國護世四王軍  
碧耀高樓瓦頰飛半壁文  
鶴林縈古道雁塢沒歸雲  
幡影中天颺鐘聲下界聞  
攀蘿極峰頂游目到江濱  
馴鴿閒

依綴調猿靜守羣虎行風捷獵龍睡氣氛氲穫稻禪衣  
卷燒畬劫火焚新英蠶采掇荒草象耕耘鉢付靈童洗  
香教善女熏果枝低罍罍花雨澤雰雰示化維摩疾降  
魔力士勲聽經神變見說偈鳥紛紜上境光猶在深谿  
暗不分竹籠煙欲暝松帶日餘曛真諦成知別迷心尚  
有云多生沈五蘊宿習樂三墳諭鹿車雖設如蠶緒正  
焚且將平等義還奉聖明君

和友封題開善寺十韻

依次重  
用本韻

梁王開佛廟雲構歲時遙珠綴飛間鴿紅泥落碎椒燈  
籠青燄短香印白灰銷古匣收遺施行廊畫本朝藏經  
霑雨爛魔女捧花嬌亞樹牽藤閣橫查壓石橋竹荒新  
筍細池淺小魚跳匠正琉璃瓦僧鋤芍藥苗旋蒸茶嫩  
葉偏把柳長條便欲忘歸路方知隱易招



御定全唐詩卷四百八


謹案卷四百五第五頁前六行來句有永慙沾藥  
大刊本來訛本今改

卷四百六第一頁前六行榮班聯錦繡按長慶集  
聯作張

第一頁前七行消碎瑩壺永按長慶集消碎作消  
澈

卷四百八第七頁前五行素液傳烘蓋刊本液訛  
夜據長慶集改





總校官庶吉士臣張能照

校對官庶吉士臣何思鈞

謄錄監生臣許祖懷



欽定四庫全書薈要

集部

御定全唐詩卷四百

九至  
十二

欽定四庫全書薈要卷一萬七千八百十四

集部

御定全唐詩卷四百九

元稹

牡丹二首

此後竝是校書郎以前作

繁綠陰全合  
衰紅展漸難  
風光一擡舉  
猶得暫時看

象人

被色空成象  
觀空色異真  
自悲人是假  
那復假為人

與楊十二巨源盧十九經濟同遊大安亭各賦  
二物各為五韻探得松石

片石與孤松曾經物外逢月臨棲鶴影雲抱老人峰蜀  
客君當問秦官我舊封積膏當琥珀新劫長芙蓉待補  
蒼蒼去樛柯早變龍

賦得春雪映早梅

飛舞先春雪因依上番梅一枝方漸秀六出已同開積  
素光逾密真花節暗催搏風飄不散見現忽偏摧郢曲

琴空奏羌音笛自哀今朝兩成詠翻挾昔人才

賦得玉卮無當

韻取卮字

共惜連城寶翻成無當卮  
詎慙君子貴深訝巧工墮  
泛蟻功全小如虹色不移  
可憐殊礫石何計辨糟醅  
江海誠難滿盤筵莫忘施  
縱乖斟酌意猶得對光儀

賦得數萸

元和  
中作

將課司天歷先觀近砌萸  
一旬開應月五日數從星  
桂滿叢初合蟾虧影漸零  
辨時長有素數閨或餘青  
墜葉

推前事新芽察未形堯年始今歲方欲瑞千齡

賦得九月盡

秋字

霜降三旬後  
蓂餘一葉秋  
玄陰迎落日  
涼魄盡殘鉤  
半夜灰移瑄  
明朝帝御裘  
潘安過今夕  
休詠賦中愁

賦得雨後花

紅芳憐靜色  
深與雨相宜  
餘滴下纖縈  
殘珠墮細枝  
浣花江上思  
啼粉鏡中窺  
念此低回久  
風光幸一吹

早歸

春靜曉風微凌晨帶酒歸遠山籠宿霧高樹影朝暉飲  
馬魚驚水穿紅露滴衣嬌鶯似相惱含嚀傍人飛

晚秋

竹露滴寒聲離人曉思驚酒醒秋簟冷風急夏衣輕寢  
倦解幽夢慮閒添遠情誰憐獨歎枕斜月透窗明

送林復夢赴韋令辟

蜀路危於劍憐君自坦途幾回曾啖炙千里遠銜珠野  
性便荒飲時風忌酒徒相門多禮讓前後莫相踰

憶楊十二

楊子愛言詩，春天好詠時。  
戀花從馬滯，聯句放杯遲。  
日映含煙竹，風牽卧柳絲。  
南山更多興，須作白雲期。

夜

綺樹滿朝陽，融融有露光。  
雨多疑濯錦，風散似分妝。  
葉密煙蒙火，枝低繡拂牆。  
更憐當暑見，留詠日偏長。

新竹

新篁纔解籜，寒色已青蔥。  
冉冉偏凝粉，蕭蕭漸引風。  
扶

疎多透日寥落未成叢惟有團團節堅貞大小同

秋相望

檐月驚殘夢浮涼滿夏衾蠨蛸低戶網螢火度牆陰爐  
暗燈光短牀空帳影深此時相望久高樹憶橫岑

春病

病來閒卧久因見靜時心殘月曉窗迴落花幽院深望  
山移坐榻行藥步牆陰車馬門前度遙聞哀苦吟

山竹枝

自化感寺攜來至  
清源投之輞川耳



深院虎溪竹遠公身自栽多慙折君節扶我出山來貴  
宅安危步難將混俗材還投輞川水從作老龍回

悟禪三首寄胡果

近聞胡隱士潛認得心王不恨百年促翻悲萬劫長有  
修終有限無事亦無殃慎莫通方便應機不頓忘  
百年都幾日何事苦囂然晚歲倦為學閒心易到禪病  
宜多宴坐貧似少攀緣自笑無名字因名自在天  
近見新章句因知見在心春游晉祠水晴上霍山岑問

法僧當偈還丹客贈金莫驚頭欲白禪觀老彌深

東臺去

僕每為崔白二學士話陶先生喜不遇之事且曰僕得分司東臺即足以買山

家

陶君喜不遇予每為君言今日東臺去澄心在陸渾旋  
抽隨日俸并買近山園千萬崔兼白殷勤承主恩

戴光弓

常評事  
見贈也

潞府筋角勁戴光因合成因君懷膽氣贈我定交情不  
擬間穿葉那能枉始生唯調一隻箭飛入破聊城

劉頎詩并序

昌平人劉頎其上三世有義烈頎少落行陣二十  
解屬文舉進士科試不就負氣狹路間病覽車蔽  
樞盡碎之聲囊酬直而去南歸唐州為吏所軋勢  
不支氣屈自火其居出契書投火中繇是以氣聞  
予聞風四五年而後見因以詩許之

一言感激士三世義忠臣破甕嫌妨路燒莊恥屬人迴  
分遼海氣閒躡洛陽塵儻使權由我還君白馬津

夜飲

燈火隔簾明竹梢風雨聲詩篇隨意贈杯酒越巡行漫  
唱江朝曲閒徵藥草名莫辭終夜飲朝起又營營

襄城驛

軍大夫  
嚴秦修

嚴秦修此驛兼漲驛前池已種千竿竹又一作栽千樹

梨四年三月半新筍晚花一作牡丹時悵望一作思向東川去等

閒

一作題作此詩  
偶然

閒二首

掩澹洲煙白籬篩日脚紅江喧過雲雨船泊打頭風艇  
子收魚市鴉兒噪荻叢不堪堤上立滿眼是蚊蟲  
青衫經夏黝白髮望鄉稠雨冷新秋簾星稀欲曙樓連  
鴻盡南去雙鯉本東流北信無人寄蟬聲滿樹頭

欲曙

江隄闕暗流漏鼓急殘籌片月低城堞稀星轉角樓鶴  
媒華表上鷓鴣柳枝頭不為來趨府何因欲曙遊

寄胡靈之

早歲顛狂伴城中  
共幾年有時潛步出  
連夜小亭眠月  
影侵牀上花叢在  
眼前今宵正風雨  
空宅楚江邊

夜雨

水怪潛幽草江雲擁廢居  
雷驚空屋柱電照滿牀書  
竹瓦風頻裂茅檐雨漸疎  
平生滄海意此去怯為魚

酬李六醉後見寄口號

用本韻

頓愈頭風疾因吟口號詩  
文章紛似繡珠玉布如綦  
健羨觥飛酒蒼黃日映籬  
命童寒色倦撫禪晚啼飢  
潦倒

慙相識平生頗自竒  
明公將有問林下是靈龜

歸田

時三十七

陶君三十七挂綬出都門  
我亦今年去商山浙岸邛冬  
修方丈室春種桔槔園千萬  
人間事從茲不復言

緣路

總是玲瓏竹兼藏淺漫溪  
沙平深見底石亂不成泥  
煙火遙邛落桑麻隔稻畦  
此中如有問甘被到頭迷

誚盧戡與予數約遊三寺  
戡獨沈醉而不行

乘興無羈束閒行信馬蹄路幽穿竹遠野迴望雲低素  
帚茅花亂圓珠稻實齊如何盧進士空戀醉如泥

遣春三首

楊公三不惑我惑兩般全逢酒判身病拈花盡意憐水  
生低岸沒梅蹙小珠連千萬紅顏輩須驚又一年

柳眼開渾盡梅心動已闌風光好時少杯酒病中難學  
問慵都廢聲名老更判唯餘看花伴未免憶長安

失却遊花伴因風浪引將柳堤遥認馬梅徑誤尋香晚



景行看謝春心漸欲狂園林都不到何處枉風光

歲日

一日今年始一年前事空淒涼百年事應與一年同

湘南登臨湘樓

高處望瀟湘花時萬井香雨餘憐日嫩歲閨覺春長霞  
刹分危牖煙波透遠光情知樓上好不是仲宣鄉

晚宴湘亭

晚日宴清湘晴空走豔陽花低愁露醉絮起覺春狂舞

旋紅裙急歌垂碧袖長甘心出童殺須一盡時荒

酒醒

飲醉日將盡醒時夜已闌  
暗燈風燄曉春席水窗寒  
未解縈身帶猶傾墜枕冠  
呼兒問狼藉疑是夢中歡

御定全唐詩卷四百九